

Ionad Nua i gCorcaigh

Ceist 1

Beidh tú ag féachaint ar ball ar thuairisc faoi ionad nua a d'oscail i gCorcaigh inné.

Trádáil	Observatory
Fiontar	Campaign
Fostaíocht	Trade
Spáseolaíocht	Research
Réadlann	Space ship
Taighde	Interactive
Idirghníomhaíocht	Message
Feachtas	Employment
Teachtaireacht	Enterprise
Spás-árthach	Astronomy

Ceist 2

Féach ar an tuairisc anois agus roghnaigh an abairt is fearr a dhéanann cur síos cruinn ar ábhar na míre?

1. Dúnadh ionad spáseolaíochta i gCorcaigh inniu.
2. D'oscail an tAire Trádála, Fiontair agus Fostaíochta an dara hionad spáseolaíochta inniu i gCorcaigh
3. Seo an chéad ionad spáseolaíochta sa tír.
4. Tá feachtas ag an rialtas an t-ionad spáseolaíochta a dhúnadh.

Ceist 3

Féach ar na habairtí thíos, an bhfuil siad fíor nó bréagach?

Chosain an t-ionad 6.5 milliún euro.	Fíor/Bréagach
Is féidir teachtaireacht a sheoladh chuig réalt a roghnaíonn tú san ionad.	Fíor/Bréagach
Tá an Institiuid freagrach as bainistíocht an ionaid.	Fíor/Bréagach
Saolaíodh agus tógadh Jane Egan i nGaillimh.	Fíor/Bréagach
Ceapann Barraí Mescall gur am amú é dul ann.	Fíor/Bréagach

Ceist 4 Féach ar an abairt thíos:

‘ . . . atá an t-ionad. . . ’

An bhfuil an focal ‘ionad’ baininscneach nó firinscneach? Cuir an t-alt (an) roimh na focail seo:

fear
bád
am
saol

Ceist 5 Féach ar na focail seo:

‘ . . . an chéad ionad. . . ’

Cuir an fhoirm cheart de na focail **ionad** agus **clár** i ndiaidh na bhfocal thíos:

	ionad	clár
an chéad	_____	_____
an dara	_____	_____
an tríú	_____	_____
an ceathrú	_____	_____
an cúigiú	_____	_____
an séú	_____	_____
an seachtú	_____	_____
an t-ochtú	_____	_____
an naoú	_____	_____
an deichiú	_____	_____

Ceist 6 Pléigh na ceisteanna seo leis an duine in aice leat nó le do ghrúpa:

An bhfuil suim agat san eolaíocht go gineárlta?

An bhfuil suim agat sa spáseolaíocht?

Dá mbeadh go leor airgid agat an rachfá ar thuras go dtí an ghealach?

Treoracha agus Freagraí

Ceist 1

Tá an cheist seo le déanamh sula seinntear an tuairisc.

Trádáil	Trade
Fiontar	Enterprise
Fostaíocht	employment
Spáseolaíocht	Astronomy
Réadlann	Observatory
Taighde	Research
Idirghníomaíocht	Interactive
Feachtas	Campaign
Teachtaireacht	Message
Spás-árthach	Space ship

Ceist 2

3. Seo an chéad ionad spáseolaíochta sa tír.

Ceist 3

Chosain an t-ionad 6.5 milliún euro.	Bréagach
Is féidir teachtaireacht a sheoladh chuig réalt a roghnaíonn tú san ionad.	Fíor
Tá an Institiúid freagrach as bainistíocht an ionaid.	Fíor
Saolaíodh agus tógadh Jane Egan i nGaillimh.	Bréagach
Ceapann Barraí Mescall gur am amú é dul ann.	Bréagach

Ceist 4

Tá an focal 'ionad' firinsneach

An fear
An bád
An t-am
An saol

Ceist 5

an chéad	ionad	clár
an dara – an deichiú	ionad	chlár
	hionad	clár

Ceist 6

Is féidir gach beirt a chur ag déanamh an phlé seo agus ansin na ceisteanna a phlé leis an rang iomlán.

Eimear Ní Chonaola

D'oscail an tAire Trádála, Fiontair agus Fostaíochta, Mícheál Martin an chéad ionad spáseolaíochta agus réadlann i gCorcaigh inniu agus tá áiseanna taighde, taispeántais agus idirghníomhaíochta ar fáil ann. Chosain an t-ionad nua seacht ponc cúig milliún euro agus is iad Institiúid Theicneolaíochta Chorcaí agus Comhairle na Cathrach atá taobh thiar den togra. Seo é Barraí Mescall.

Barraí Mescall

Is i gcaisleán ársa na Carraige Duibhe atá an t-ionad spáseolaíochta nua lonnaithe, úsáid bhreá mar chuid den bhfeachtas atá ar siúl le cúpla bliain anuas ag an rialtas chun daoine a mhealladh go hábhair eolaíochta.

Diarmaid Mac Mathúna

Níl aon áit cosúil leis seo in Éirinn faoi láthair, is ionad den scoth atá ann agus an rud an-speisialta faoin áit ná go bhfuil taighde ar bun anseo agus go bhfuil saghas 'out reach activities' ar bun freisin.

Patricia Ní Éigeartaigh

Ansin laistiar díom tá ríomhaire agus is féidir leat réalt a roghnú agus teachtaireacht a scríobh agus a sheoladh* leis an radaiteileascóp go spás, go dtí an réalt a roghnaíonn tú, tá sé ar fheabhas.

Barraí Mescall

Tar éis don Aire Martin teachtaireacht a sheoladh go réalt éigin sa chosmas thug sé ardmholadh do Chomhairle na Cathrach agus don Institiúid Theicneolaíochta araon.

Mícheál Martin, TD

Ní raibh a fhios agam go dtí gur tháinig mé ar maidin cé chomh nua-aimseartha is atá gach rud anseo agus an taighde atá ana-thábhachtach agus is é ionad taighde chomh maith é agus tá an Institiúid Theicneolaíochta i gCorcaigh páirteach anseo agus tá siad freagrach as bainistíocht an Ionaid**.

Barraí Mescall

Le linn na hoscailte inniu chomh maith taispeánadh pictiúr ón spás-stáisiún idirnáisiúnta i Meiriceá Thuaidh agus don spás-árthach *Discovery*, ar bord an árthaigh faoi láthair tá Dan Tanney, fear atá pósta le Jane Egan a saolaíodh agus tógadh i ngiorracht scread asail don gcaisleán ina bhfuil an t-ionad anois lonnaithe.

Mar sin, an chéad ionad spáseolaíochta sa tír oscailte ina bhfuil taighde, taispeántais agus idirghníomhaíocht ar na háiseanna éagsúla ar fáil ann. Is fiú go mór cúpla uair a chloig a chaitheamh ann ar do shuaimhneas.

Barraí Mescall, Nuacht TG4, as Caisleán na Carraige Duibhe, Corcaigh.

*a seoladh a deirtear

**an t-ionad a deirtear